



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Capitularia Regvm Francorum

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

LXIII. Praeceptum Karoli Calvi quo confirmat donationes factas Canonicis  
Ecclesiae Aurelianensis.

**urn:nbn:de:hbz:466:1-22974**

## LXXII.

*Præceptum Karoli Calvi quo confirmat donationes factas Canonici Ecclesie Parisiensis.*

An. 870.  
Ex parvo  
chartulario  
Ecclesie  
Parisien-  
sis.

**I**N nomine sanctæ & individue Trinitatis, Karolus gratia Dei Rex. Si sacerdotum ac servorum Dei petitiones, quas pro utilitatibus & necessitatibus suis suorumque successorum nobis innotuerint, ad effectum perducimus, non solum regiam exercemus sollicitudinem, verum etiam ad beatitudinem æternæ retributionis talia facta nobis profutura confidimus. Idcirco notum esse volumus omnibus sanctæ Dei Ecclesie fidelibus ac nostris presentibus scilicet & futuris quia vir venerabilis Erchenradus Parisiæcensis Ecclesie Episcopus nostræ innotuit serenitati quod pro Dei omnipotentis amore & futuro eisdem congregationis cavendo periculo, ne aliqua successorum suorum negligentia aut parcitate ordo in ea futuris temporibus perturbaret canonicus, quasdam villas antecessor suus Ynchidus eisdem sedis quondam Episcopus fratribus per privilegium Episcoporum manibus roboratum specialiter futuris temporibus necessitatibus Canonicoꝝ ibidem Deo famulantium deseruiendas constituisse ac deputasse, unde debita stipendia habere debeant, quatinus nulla occasione, nec rei publicæ servitio, quisquam ex successoribus impedimentum in futuro inferre potuisset pro quo à via rectitudinis & observatione canonica eos obviare necesse foret, sed deputatis sibi rebus contenti, absque necessitate & inopia canonicum ordinem tenere & sine pravatione, quantum humana finit fragilitas, observare quivissent, ex semetipsis semper per commune assensum eligentes Præpositos & Decanos, qui & easdem villas prævideant, & debita stipendia fratribus ministrant. Ob firmitatem tamen rei petiit memoratus Erchenradus Episcopus ut pro divino intuitu & futuro ipsius congregationis cavendo periculo super eandem constitutionem auctoritatis nostræ præceptum fieri juberemus, per quod inantea stabilis & inviolata permaneret. Nos vero petitioni illius, quia necessaria & rationabilis erat, autem accommodantes, velut postulaverat fieri adjudicavimus. Quapropter statuimus atque jubemus & nostra præceptione confirmamus eis villas quas dudum per privilegium habere noscuntur ad eorum necessitates procurandas, & metu futurorum usum propellendo, videlicet Vndrefiacum cum omni integritate & suis appendiciis, Hileriacum cum omni integritate omnibusque ad se pertinentibus, Aureliacum, Civiliacum, Castanedum, Balneolum, Steovillam, & Layacum, cum omni integritate & Ecclesiis & universis quæ pertinent ad eas, & quicquid inde homines per beneficium aut precarias tenent & illic pertinere videtur, ut post eorum decessum ad usus fratrum revertantur. Insuper & fundos quos fidelium liberalitas stipendiis eorundem fratrum delegavit, videlicet duas partes de villa quæ vocatur Sulciacus, & res in Larziaco & in Lotueo villa, quas ipsi modò ha-

bere noscuntur, sed & medietatem decimæ ac nonæ quæ de rebus ipsius Ecclesie ab eis qui eis utuntur exigi solent. Has ergo villas cum omnibus appendiciis & redditibus suis, ut diximus, ad omnes ejusdem congregationis necessitates & sustentacula mortalis vitæ ministranda regali auctoritate & indulgentia per hoc præceptum confirmationis nostræ stabili jure eis concedimus ac confirmamus, præcipientes ut nullus Episcoporum per successiones subtrahere aut minuere aut ad usus suos retorqueat, aut alicui in beneficio tribuat, aut ullum impedimentum ex eisdem villis eis inferat, sed neque servitia ex eisdem villis exactet, neque ullas in aliqua re exactiones inde exigat. Si augere eis aliquid placuerit, licentiam habeant. Distrahendi autem aut minuendi ea quæ pro Dei statuta sunt amore, nequaquam præsumant. Petimus etiam successores nostros ut hanc nostram liberalissimam concessionem ita conservent sicut ea quæ ob amorem Dei æternamque mercedem statuerint, à suis voluerint successoribus esse servanda. Et ut hæc auctoritas, quam ob amorem Dei & animæ nostræ remedium statuimus, firmiter obtineat vigorem, & deinceps inconculsa valeat perdurare, manu propria subter eam firmavimus, & de anulo nostro sigillari iussimus.

Signum Karoli gloriosissimi Regis.

Aneas Notarius ad vicem Ludovici recognovit.

Datum xiiii. Kal. Maij Indictione xiiii. in anno xi. regni Karoli gloriosissimi Regis.

Actum in Silvaico palatio regio in Dei nomine feliciter. Amen.

## LXXIII.

*Præceptum Karoli Calvi quo confirmat donationes factas Canonici Ecclesie Aurelianensis.*

**I**N nomine sanctæ & individue Trinitatis. Karolus misericordia Dei Rex. Si sacerdotum Christi ammonitionibus sive petitionibus benignum assensum præbemus, regis celsitudinis opera frequentamus. Itaque notum sit omnibus sanctæ Dei Ecclesie fidelibus & nostris presentibus atque futuris quia venerabilis vir Agius Aurelianensis Ecclesie Episcopus ad nostram sublimitatem accedens, reverenter innotuit à prædecessoribus suis atque ex eorum imitatione à se quoque quasdam villas Ecclesie suæ in honore sanctæ & vivificæ crucis fundatas usibus & stipendiis Canonicoꝝ inibi Deo servientium deputatas fore. Petiitque suppliciter mansuetudinem nostram ut nostræ auctoritatis scriptum fieri juberemus, per quod earundem villarum ab antecessoribus suis, ut dictum est, & ab eo rationabiliter facta deputatio nostris & futuris temporibus sine suorum successorum aut alterius personæ immutatione maneret immobilis & intacta. Sunt autem earundem villarum vocabula hæc. Masiacus cum villis & appendiciis suis, cella sancti Martini, & Silgiacus cum villis & adjacentiis suis, Tetmerius etiam cum appendiciis suis, Briffiacus cum integritate sua. Nos inquam admonitionem sive peti-

An. 871.  
Ex chartulario  
Ecclesie  
Aurelianensis.



tionem ejus clementer excipientes, hoc altitudinis nostrae praeceptum fieri iussimus; per quod praecipimus atque firmamus ut praescriptae villae, cum omnibus omnium rerum adinentiis & appendiciis, absque cujuslibet immutatione aut subtractione, praescriptae sanctae crucis Ecclesiae Canonicorum usus & stipendiis nostris & futuris temporibus perpetua lege habeantur & teneantur; videlicet ut quicquid ex eis iuste & rationaliter fieri potest, utilitatibus & necessitatibus memoratorum Clericorum secundum administrationem proprii Pontificis semper praebeat augmentum & supplementum. Ut autem haec magnitudinis nostrae confirmatio plenior in Dei nomine obtineat vigorem, de anulo nostro subter eam iussimus sigillari. Data 111. Idus Februarij Indictione xv. in anno xii. regni Karoli gloriosissimi Regis. Actum in villa Briona in Dei nomine feliciter. Amen.

## LXXIV.

*Praeceptum Karoli Calvi pro monasterio Montisfolvi in diocesi Carcassonensi.*

An. 854.  
Ex archi-  
vo monas-  
terij Montis-  
folvi.

**I**N nomine sanctae & individuae Trinitatis. Karolus Dei gratia Rex. Cum petitionibus fervorum Dei iustis & rationabilibus divini cultus amore favemus; superna nos gratia pro his muniri non dubitamus. Proinde noverit omnium fidelium nostrorum praesentium futurorumque sagacitas quia vir venerabilis Richomirus Abbas ex monasterio quod nuncupatur Mallati, situm in territorio Carcassensi super fluvium Duranum, constructum in honore sancti Iohannis Baptistae, cum terminis & adjacentiis suis, obtulit obtutibus nostris quandam auctoritatem Domini ac genitoris nostri Hludovici patris recordationis serenissimi Augusti; in qua erat inferum qualiter antecessoris sui antecessor ipsum monasterium novo construxisset opere, & propter ejus defensionem vel propter pravorum hominum illicitas infestationes in manu ejusdem Domini Imperatoris unam cum monachis ibi degentibus se commendavit, ut sub ejus tuitione licuisset eis cum rebus hominibusque eorum quiete vivere ac residere; & deprecatus est clementiam regni nostri ut praefatum monasterium unam cum villulis quarum nomina sunt villa Secarj, seu villa Alderj, necnon villa Junionis super idem fluvium praefatum Duranum, villam Magnianacum in pago Tolosano super fluvium Fiscavum, necnon & cellulas quae nuncupantur sancti Martini praedicto monasterio subiectas, quae sunt sitae in eodem pago super fluvium Lampium, sive sanctae Caeciliae & sancti Petri, quae sunt super fluvium jamdictum Duranum, locumque qui dicitur Oratorium cum omnibus rebus & adjacentiis sive terminis suis, sub nostra suscipere defensione & immunitatis tuitione. Cujus precibus ob amorem Dei & reverentiam divini cultus libenter aures accommodare placuit, & hoc nostrae auctoritatis praeceptum immunitatis tuitionisque gratia fieri decrevimus; per quod praecipimus atque jubemus ut nullus iudex publicus vel quislibet ex iudiciaria potestate in

Tom. II.

Ecclesias, loca, vel agros, seu reliquas omnes possessiones praedicti monasterij, quas moderno tempore possidet, vel quae etiam deinceps in jure ipsius sancti loci voluerit divina pietas augere, ad causas audiendas, aut freda exigenda, aut mansiones vel paratas faciendas, aut fidejussores tollendos, aut homines ipsius monasterij tam ingenuos quam & servos super terram ipsius commanentes iniuste distringendos, nec ullas redhibitiones aut illicitas occasiones requirendas, nostris nec futuris temporibus ingredi audeat, vel ea quae supra memorata sunt penitus exigere praesumat. Et quicquid de rebus praefati monasterij fiscus sperare potest, totum nos pro aeterna remuneratione praefato monasterio concedimus, ut in alimonia pauperum stipendiaque monachorum ibidem Deo famulantium proficiat in augmentum. Et quandoquidem divina vocatione supra dictus Abbas vel successores ejus ab hac luce migraverint, quandiu ipsi monachi inter se tales invenerint poterint qui ipsam congregationem secundum regulam sancti Benedicti regere valeant, scilicet qui praesae pariter & prodesse queant, per hanc nostram auctoritatem licentiam habeant eligendi Abbates, quantum pro nobis & totius regni nostri a Deo nobis concessi stabilitate jugiter Domini misericordiam exorare delectet. Et ut haec auctoritas a fidelibus sanctae Dei Ecclesiae & nostris verius credatur diligentiusque conservetur, manu propria subter firmavimus & anuli nostri impressione signari iussimus. Signum Karoli gloriosissimi Regis. Datum 111. Kal. Augusti anno xv. regnante Karolo gloriosissimo Rege, Indictione secunda. Actum Germiniaci palatio in Dei nomine feliciter. Amen.

## LXXV.

*Praeceptum Karoli Calvi pro monasterio sancti Hilarij in diocesi Carcassonensi.*

Ex archi-  
vo S. Hilarij.

**I**N nomine sanctae & individuae Trinitatis. Karolus Dei gratia Francorum Rex. Quicquid enim ob amorem divinae reverentiae operibus iustis implere satagimus, ad aeterna beatitudinis gloriam capessendam profuturum nobis omnino non dubitamus, quin etiam ad regni nostri diuturnum felicemque statum pertinere proculdubio credimus. Idcirco cognoscat sagacitas seu utilitas omnium fidelium nostrorum tam praesentium quam & futurorum qualiter religiosus Ana Abba ex monasterio sancti Hilarij, quod est situm in pago Carcassonense super rivum Leuco, constructum scilicet in honore sancti Saturnini martyris, ubi etiam praedictus sanctus Hilarius confessor corpore requiescit, ad nostram accedens clementiam obtulit mansuetudini nostrae quandam auctoritatem sanctae memoriae Domini & genitoris nostri Augusti Ludovici, in qua continetur qualiter idem Dominus & genitor noster praedecessores suos praedictumque monasterium cum omnibus rebus sibi iuste legaliterque pertinentibus sub defensionis suae tuitione immunitatisque munimine receperit. Petiit etiam idem venerabilis Ana Abba magnitudinem nostram ut eandem auctorita-

Z. Z. z. ij